



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

7. Regaliam toto Regno extendere aliquoties à Regijs ministris tentatum
est, adversante semper, & vincente Clero. Edicta Henrici III. & Henrici IV. &
Ludovici XIII. & tandem Ludovici XIV. quo ultimo ...

urn:nbn:de:hbz:466:1-38277

totam Collationem Beneficiorum revocari ad jus Patronatus, id est, ad jus præsentandi, non verò instituendi. Quo etiam modo sunt intelligendæ Constitutiones Gregorij X. *Expositus nobis, & divine Gratiae premium.* (a) Qibüs idem jus in Regibus Galliæ agnoscitur. Cæterū jus conferendi Beneficia, præsertim pleno jure, nunquam fuisse à Concilio Lugdunensi concessum, illud evidenti argumento est, quod mota illis à Pontificibus lite nunquam Concilium prætulerint, sed solam consuetudinem, hâc unâ nitebantur, ut videre est in responso Philippi ad articulos Bonifacij, & in Philippina Constitutione ejusdem argumenti. (b) Cur verò tacerent Reges, qui omnia conquirebant, privilegium Concilij universalis, quod solum omnes rationes vincebat? nam consuetudini multa objici poterant, Concilio nihil.

Nihil ergo adjumenti à Concilio, quod Regaliam, Collationes præsertim Beneficiorum non tam extendi, quâm restingi volebat, & ideo nec universum Principibus permisum, sed tantum pro ijs locis, in quibus Confuetudo prævaluera, nam ut bene Politicus: *Sapientes quedam tolerare oportet, etiam que non probant, ut transiit ad majora faciant: quedam in tempus regienda, nec Principes multis annis molliter habiti ad duriora vertendi.* (c)

VII. Cæterū nec intra terminos à Concilio prescriptos hæsere Principes; nam & cupido aliena libandi, & præsertim aulicorum consilia, specie obsequendi, suas cupiditates obvelantium limites perrupit. Concilium ut vidimus statuerat, ne jus Regaliæ ubi necdum inoluerat, induceretur, sed intra consuetudinem staret. Id aliquamdiu observatum; sed post non multum temporis nullâ consuetudinis, nullâ Concilij habitâ ratione, etiam ijs locis, ubi numquam haftenus, usurpari cœptum; & quamvis jam à ducentis annis omnium ferè Galliæ Scriptorum una vox fuerit, aliquibus tantum locis, non omnibus, exerceri posse, tentatum tamen & hoc est, ut ubique exerceretur, Ecclesijs sub jugum missis. Præterito sæculo quidam è Regijs ministris Regaliam ubi quelocorum extendere aggressi sunt, eorumque conatus Canonicī sanctæ

(a) Gregorij X. Constitut. de an. 1271. (b) Preuves des libertez de l'Eglis. Gall. ch. 16. n. 23. Philipine anno 1334. (c) Dion. lib. 52. Seneca, Arist. Polit. August. epist. 18.

sanc*tæ* Capellæ promovebant; ipsis enim Regum donatione vacantes fructus permittebantur: sed in Conventu Blesiæ habito (a) Clerus intercessit, petiti^{que} Episcopos, qui olim immunes fuerant, relinqui pristinæ libertati. Idem regnante Henrico III. à Clero in Comitijs ad fanum S. Germani repetitum, ubi cùm Regius Procurator hanc propositionem in medium protulisset: *Juri Regalia omnes cum Episcopatus, tum Archiepiscopatus obnoxios esse*, responsum est à Cleri Delegatis: *Duos esse ordines eorum, qui à Regalia immunes essent, videlicet, qui vel per contractus onerosos s^e liberassent; vel qui ab hominum memoria nunquam illi subiacuissent; nec istos minus quam illos exemptos esse: nolle Clerum vel minima ex parte jus Regium delibari; quanto minus aliquid Ecclesiærum juri detrahendum esse?* nec Regem hoc velle iusti recti^g, amantem. (b) Sicque Regio Advocato silentium impositum, & sententia pro Ecclesijs data. Galliā bello civili ardente multa peracta sunt Ecclesijs adversa, quæ prudenter à Clero dissimulata; quippe inter armorum strepitū audiri Leges non poterant, ubi pax redijt Henrico Magno & viatore, & Rege, omniumque votis potito, querela iterum à Clero auditæ, jussuque Regis expensæ, ac tandem Edictum in haec verba pronuntiatum: *Non est voluntatis nostra Regaliam nobis vendicare, nisi intra eam formam, modumq^z, quā nos, & Antecessores nostri Reges cā gavisi sunt; nec intendimus in prejudicium Ecclesiærum, quæ hacennus exempta fuerunt, eam proferre.* (c) Huic Edicto post certainen, morálque duorum annorum accessere vota, (d) & confirmatio Parlamenti Regij; sed paulò post, eodemque Parlamento impugnatum est, quando ad Servini Regij Advocati instantiam pronuntiatum fuit: *Regem perinde, ac in totius Regni Ecclesiæ, ita etiam in Bellicensem recens Coronæ unitam, jus Regalia obtinere.* (e) Perculit hæc Declaratio Clerum Gallicanum, qui suas immunitates, Regiūmque Edictum unā proculari querebatur. Henricus causâ ad se evocatū unum annum supersederi hoc negotio, omnique processu jussit. Ludovicus XIII. Henrici Edictum anno 1606. datum confirmavit, (f) iusque per Commissarios suos Clero exponi: *Nolle Regem fructibus vacantium Ecclesiærum gaudere nisi ijs locis, quibus preteritis retrō annis gavissus fuerat,*

(a) Anno 1577. (b) Anno 1583. Vide M. de Pamiers fol. 40. (c) Anno 1606.
 (d) Anno 1608. die 29. Febr. (e) Bellay dans la Bresse ann. 1608. die 24. April.
 (f) Lud. XIII. constit. an. 1629. art. 16.

fuerat, sive Henrici Patri^s Edic^to standum esse. Idem Ludovicus, ut supr^a notavimus, pari liberalitate, & Religione fructus vacantium Ecclesiarum electis Episcopis conservari, donarique voluit. Ipse Ludovicus Decimi tertij filius edixit: *Nolle se Regaliā, & simplicium Beneficiorum collatione uis, nisi ijs in locis, qua anno 1606. Regalia subiectebantur.*
 (a) Tandem post multas dilations instruendæ suæ cause Clero datus, ternæ constitutiones ab eodem Ludovico prodiere, quibus tria statuebantur. (b) Primo: Omnes Ecclesiæ, quæ Regis Imperium patet, Regalia obnoxias esse; ijs tantum exceptis, quæ titulo onerofo libertatem redemissent. Secundo: Omnes cum Episcopos, tum Archiepiscopos, qui deinceps promoverentur, post duos menses à juramento fidelitatis Regi prestito obstrictos fore, ut hoc ipsum juramentum in alta Regia Parisiensis Camera referri current, periantque litteras, quibus exspirasse, finitamque Regaliam Oeconomio, qui vacanti Ecclesiæ profuerat, insinuetur; id si omittant promoti, perinde ac vacante Ecclesiā, Regaliam duraturam. Tertio: Episcopi vero, & Archiepiscopi jam tum promoti, ac insulis potiti, & quietâ possessione fruentes, quique juramenta sua, ut prefatum est, libris Parisiensis Camera Computorum inscribi non fecerint, nec litteras obtinuerant sublata Regalia, duobus mensibus post vulgatam hanc Declarationem, utrumque id prestant; aut si negligant, perinde ac vigente Regaliā, & Sede vacante, omnia Beneficia ab hujusmodi Episcopis conferri solita, & alias Regia dispositionis futura, ac titulo Regalia impetratum iri. Hæc sunt tria capita, quæ Regia Declaratio completebatur, quæque classicum tot in Gallia turbis cecinere, alijs Regiam voluntatem aut spe, aut metu fecutis, alijs medium viam ingressis, vanisque protestationibus eam libertatem tuentibus, quam facto prodabant; alijs verò aperè obnixis: pauci hi quidem, & majori pretio quam numero, præsertim accessu Romani Pontificis, sed hoc ipsum veritatis indicium fuit, quæ paucis placet, cum amantes mendacio abundant. Et plaus tanta, & tam invicta sunt argumenta, quæ Regaliam universim extendi non posse ostendunt; & omnium ferè in Gallia Scriptorum votis firmata, ut post editum Episcopi Apamensis de hoc arguento Tractatum, nemo ausus fuerit obniti, & quæ ille scripserat, refutare: nec ingenia deerant, nec præmia audentibus proposita; sed reverentiā veritatis absterriti sunt; cur enim nuditatem suam Soli exponerent, ridendi si prodirent?

§ II. Jus

(a) Anno 1657. die 12. April. (b) Anno 1673. & 1675. die 2. April.